

BOSNA I HERCEGOVINA  
FEDERACIJA BOSNE I HERCEGOVINE  
SREDNJOBOSANSKI KANTON/KANTON SREDIŠNJA BOSNA

KANTONALNI SUD U NOVOM TRAVNIKU

Broj: 06 0 U 007404 14 U

Novi Travnik, 24.11.2014. godine

Kantonalni sud u Novom Travniku u vijeću sastavljenom od sudaca: Lazarele Porić, kao predsjednika vijeća, Senada Begović i Darmina Avdić kao članova vijeća, uz sudjelovanje Nusrete Skrobo, kao zapisničara, rješavajući u upravnom sporu tužitelja Udruženje građana „Borba protiv korupcije BiH“, Transparency International Bosne i Hercegovine iz Banja Luke, protiv tuženog JZU „Dom Zdravlja“ Jajce, u predmetu poništenja upravnog akta tuženog br. 02-37-1370/14 od 11.09.2014. godine, donio je dana 24.11.2014. godine slijedeće:

**RJEŠENJE**

Postupak se obustavlja.

**Obrazloženje**

Tužbom koja je dostavljena ovom sudu dana 29.09.2014. godine tužilac je osporio zakonitost donesenog akta tuženog br. 02-37-1370/14 od 11.09.2014. godine.

Kako je u međuvremenu tuženi donio novi akt br. 02-37-1578/14. od 10.10.2014. godine, kojim je stavio van snage osporeni akt, protiv kojeg je tužitelj podnio tužbu, te usvojio žalbu tužitelja zbog „šutnje uprave“, i dostavio tražene informacije posebnim aktom – dopisom, to je u smislu člana 26. stav 1. Zakona o upravnim sporovima („Službene novine F BiH“ broj: 9/05. u daljem tekstu: ZUS) tužilac pozvan da se u roku od 15 dana izjasni da li je zadovoljan novodonesenim aktom ili i dalje ostajete pri tužbi i u kom obimu odnosno da li tužbu proširujete i na novi akt.

Tužilac se u dopisu dostavljenim ovom sudu dana 11.11.2014. godine izjasnio da je zadovoljan naknadno donesenim upravnim aktom i da povlači tužbu u ovoj pravnoj stvari.

Odredbom člana 26. st. 2. ZUS-a propisano je da ukoliko tužilac izjavi da je zadovoljan naknadno donesenim upravnim aktom ili ako ne da izjavu u roku iz stava 1. ovog člana (15.dana), nadležni sud će donijeti rješenje o obustavljanju postupka.

Kako se tužilac izjasnio da je zadovoljan novodonesenim aktom, to je sud primjenom člana 26. stav 2. i člana 6. stav 1. ZUS-a odlučio kao u dispozitivu rješenja.

Zapisničar:  
Nusreta Skrobo,s.r.

Predsjednik vijeća:  
Lazarela Porić,s.r.

